



### **Pengenalan Fotografi Mudah Alih (*Mobile Photography*)**

Fotografi mudah alih (*mobile photography*) merupakan satu genre fotografi baharu yang didatangkan di dalam telefon pintar. Ia termasuk teknik fotografi yang dapat diakses secara mudah dan segera.

Masyarakat hari ini tidak mengira peringkat usia, umumnya pasti mempunyai telefon pintar. Hal yang demikian, ia menjadikan fotografi mudah alih ini sangat mudah diakses terutamanya oleh mereka yang baru mula berjinak di dalam dunia fotografi. Ramai anak muda hari ini yang menunjukkan minat mendalam di dalam seni fotografi mudah alih, bahkan ada juga di antara mereka yang menjadikannya sebagai hobi.

Walaupun fotografi mudah alih dikategorikan sebagai salah satu genre fotografi, namun di dalamnya terdapat pelbagai perkakas pilihan yang dapat menghasilkan genre fotografi yang berlainan. Mudah kata, serba boleh.

Sejak dua dekad yang lalu, telefon bimbit telah mula dimasuki peralatan kamera. Pada awal kemunculannya, gambar yang dihasilkan di dalam telefon bimbit ini tidaklah begitu berkualiti. Namun hari ini, telefon bimbit telah melalui evolusi yang cukup pesat dan dimasuki pelbagai teknologi moden lalu menghasilkan gambar yang lebih baik.

Seiring dengan perkembangan teknologi kamera di dalam telefon pintar, ia juga tidak turut ketinggalan melalui proses pemodenan dan telah menjadi satu unsur penting yang terkandung di dalamnya. Hal ini membuka ruang kepada para pengguna telefon pintar untuk menceburi bidang fotografi tanpa perlu menghabiskan wang dengan mendapatkan kamera yang dijual di pasaran.

Oleh hal yang demikian, satu perkara yang kita tidak boleh nafikan adalah kamera yang terdapat di dalam telefon pintar ini masih tidak mampu menandingi kehebatan kualiti kamera DSLR. Fotografi mudah alih ini tidak menuntut anda menyelidik secara mendalam tentang bahagian dalam kamera tetapi cukup sekadar untuk mengambil gambar sahaja.

Ramai di antara mereka yang masih baharu di dalam dunia fotografi mendakwa agak sukar untuk membawa kamera mereka ke setiap tempat. Hal ini menjadikan fotografi mudah alih ini sebagai satu alternatif yang memudahkan urusan mereka. Tambahan lagi, dengan adanya kamera di dalam telefon pintar, mereka dapat mengambil gambar kenangan secara spontan dan segera di mana-mana tempat dan pada bila-bila masa sahaja. Perkara ini mungkin agak sukar untuk dilakukan oleh kamera biasa.

Mempelajari teknik dan tip di dalam seni fotografi mudah alih sangat membantu untuk menjadikan anda seorang jurugambar yang berkemahiran. Pencahayaan, titik fokus dan sudut yang betul merupakan komponen utama yang perlu dititikberatkan di dalam seni fotografi. Semoga bermanfaat.

Rujukan: [photoshootgoals.com](http://photoshootgoals.com)

Abid Iman bin Hasmady  
Kuliah Syariah Islamiah,  
Universiti Al-Azhar.